

- 1<sup>r</sup> Wer vil lust hatt / wie er hofier
- 2<sup>r</sup> Nachtz vff der gassen / vor der thür
- 3<sup>r</sup> Den glust / das er wachend erfrür



## Von nachtes hofyeren

- 1 Jetz wer schyer vß der narren dantz
- 2 Aber das spiel wer nit all gantz
- 3 Wann nit hie weren ouch die löffel
- 4 Die gassentretter / vnd die göffel

5 Die durch die nacht keyn rûw went han  
 6 Wann sie nit vff der gassen gan  
 7 Vnd schlagen luten vor der tür  
 8 Ob gucken well die mâtz har für  
 9 Vnd kumen vß der gassen nit  
 10 Biß man eyn kammer loug jnn gytt  
 11 Oder sie würffet mit eym steyn  
 12 Es ist die freüd jn warheyt kleyn  
 13 Jnn winters nâcht also erfryeren  
 14 So sie der gôuchin dünt hofyeren  
 15 Mit seitten spyel / mit pfiffen / syngen  
 16 Am holtzmarckt vber die blöcher springen  
 17 Das dünt studenten / pfaffen / leyen /  
 18 Die pfiffen zû dem narren reyen  
 19 Eyner schrygt / juchtzet / bröllt vnd blört  
 20 Als ob er yetzend würd ermört  
 21 Je eyn narr do dem andern seyt  
 22 Wo er muß wartten vff bescheyt  
 23 Do muß man jm dann hoffrecht machen  
 24 Als heymlich halttet er syn sachen  
 25 Das yederman do von muß sagen  
 26 Die vischers vff den küblen schlagen  
 27 Mancher syn frow loßt an dem bett  
 28 Die lieber kurtz wil mit jm hett  
 29 Vnd dantz er an dem narren seyl  
 30 Nymbt das güt end / so darff es heyl  
 31 Jch schwig der / den das selb gyt freüd  
 32 Das sie louffen jm narren kleyd  
 33 Wann man eyn narren gyene hieß  
 34 Mancher sich an den namen styeb